

ADAMA XAFE RAFALE SARIYEE DENTEGE

[Preamble]

A kolon fera, ibunadama xa lasiriya nun axa adamaya xafe rafale non findixi yeteralui tigitigira, a bara masen won be, a tinxinyi nun boŋe sa bara senbe soto dunuya birin kui.

A kolon fera, adamaya xafe sariyee mu mabanbanxi han to i bunadama yira, nafe naniŋe xi funmalaya, gere, gbaloe nun misikine ya mu ɲonma. Koŋo xabirin bara na sariyee ratinme, gbaloe ɲonmane, gere ɲon, funmalaya nun misikine ya ɲon. I bunadamaya bara rasabati nate mui.

A kolon fera, adamaya xafe rafale sariyee rasabatife findixi fe fanyi nan na, alanma ibunadamaya xun xa magaga mange sanyi sariyela yira.

A kolon fera, a ɲamaneɛ xa xanunteya senbe sofe e bore tagi, sugandi fanyi nara.

A kolon fera, a O.N.U. xa masenyi, i bunadamaya sariyee tigitigi rasabati fe findixi xaxili fanyi nan na, alanmane: gine nun xame xa suxu laxale keren, a xa masen e be, ɲama xa yiriwe senbeteyafe sabui gbege lanxi e tan ma.

A kolon fera a ɲamaneɛ naxe birin manaxi O.N.U. kui e bara nete tongo adamaya xafe rafale sariyee ratinme fera, na niye mane ibunadamaya xa mabanban.

A kolon fera a birin lanmafe nara yi sariyee nun yi yetera lui tide gbofe, na nomane a niyede layidi ratinme.

Malanyi xungbe bara amasen

ɲamaneɛ xa yi masenyi adamadi suxukima ɲama nun ɲamaneɛ birin yira alako a lufera xun dee birin sondonyi ma xaranyinun lonni sabura, na binye nun sariyee rasabatifera ɲamane kui nun a farima.

Sariye singe (1)

Adamadie birin barixine e lan yeteralui kui, yete kolonyi nun yete suxu kima. Fondoe nun faxamui na e be boresuxu kima bariboreya fanyi kui.

Sariye firinde (2)

Kankan noma a tukude yi sariyee ra, ana dangi nara fisamanteya yo man mu luma mixi be akelide sabura, axa boxi rapereki sabura yegeti keren mu naxan kui a siɲoxoya kima, fate ɲingi kima, a xui kima, a fere kima, a dine kima na sa fatan ɲamaneɛ ra xanamu ɲama ndee ra, fere kima xanamu kigbete nana sa fatan dedera koŋo naxan noe nde bun xanamu dansaxi naxan xa yeteralui ma.

Sariye saxande (3)

Baloe wayibiya birin be, marafulunyi nun xaxilisa.

Sariye naninde (4)

Ndende mulan alu konyiya nun ɲaxankate kui. Konyiya nun ibunadama sare bara raton akepa birin ma.

Sariye sulinde (5)

ɲaxankate nun tore mu sama ndende fari. Xanamu yayixare naxan mulan ibunadama be.

Sariye senninde (6)

Kankan xa adamaya daxa axa kolon yire birin.

Sariye soloferende (7)

Adamadi birin lan sariyee kui e man birin lan e xun xa magaga sariyee yi kepa keren.

Sariye solomasaxande (8)

Boxi sariye banxidee lan eka ibunadama keren keren ma xun magaga fee ma naxe bara tuxunsan.

Sariye solomananinde (9)

Ndende mulan a suxu tappege kui, amakankan xanamu boxi ma xandi ama.

Sariye funde (10)

Awayibiyaxi ibunadama xafe xa yaxandi alaxinera, alankenemaya kiti banxi tinxinyira, ayo nun ayalagi waxan naba.

Sariye fu nun keren nde (11)

Xa sikenteya bara rasiga adamadi ndema fe kobi rabafe nde xunma, ɲaxankate yo mu daxa a be sinden fo na fe yegi.

Mixi yo mulan axa makankan fendema naxan murotonxi boxi sariyee kui. ɲaxankete gbete fan mu doxo ama naxan dangi yi fera ba temui ɲaxankatera.

Sariye fu nun firinde (12)

Birin nun a yetekan xafe rapereki nara. Mixi piya mu naxan yama. A na findi axa denbaya xafera, a lingira xa fera, xanamu a hayie xafera naxan a niɲema axa xoreya nun a xa lasiriya nu mabere. Awayibiyaxi ibunadama be, sariye xa a xun magaga na fee ma.

Sariye fu nun saxannde (13)

Awayibixi mixi be axa a sabatide sugandi anun axa pere a sagora.

Adamadi birin noma kelide a baride a sa sabati boxi gbete ma. A man gbilen xa ma gbilenfe.

Sariye fu nun naninde (14)

Xoro roe kui, daxa adamadi birin be, axa siga boxi gbete ma naxan noma arasene de alako axa axun na kisi.

Na sariye daxa exa raba tinxinyi fari, kirae fari naxan anipema adamadi mulu tappege kui O.N.U. sariye tonyi doxi naxe ra.

Sariye fu nun sulinde (15)

Adaxa adamadi birin be soto de fe ya xa i mini a be.

Ndende mu daxa ixa raton i soto de xa fera, xanamu iratonfe sotode masara fera.

Sariye fu nun senninde (16)

Xa gine nun xame bara suda kamali, adaxa e xa futi raso e tagi, na mufa siɲoxoya ma, baride fema, xanamu dine fema. A man daxa e be, e yete xa denbaya rasabati. E man lan sariye kima futi kui nun futi galife kui.

Futi mu noma sode fo gine nun xame lan fe keren ma.

ɲama xunde singe lanxi denbaya nan ma, adaxa na denbaya xun xa makanta ɲama nun mangasanyi yira.

Sariye fu nun solofere nde (17)

Mixi nalu a keren ma xanamu ɲama nde kui, awayibiya xi a sotode xa lu a sago.

Funmalaya nde yo mulan axa adamadi sotose yira.

Sariye fu nun soloma saxan nde (18)

Adamadi birin lan axa axa maṗoxunyi masen a sagora, a xaxili rawali, a so dine a sagora. Na sariyee noma a nɔpede adamadi dine masara, a noma denxeniya de a keren xanamu pama yama lonni nun namunye sabura.

Sariye fu nun solomanani nde (19)

Adaxa adamadi birin be axa afondo fe masen. Nakui a mulan axa tɔpe mafixe nde soto. Na fondo fe masenyi noma rabade naninyi yo mulu ama, a fa findi xibaru fenfera, amasotofera, xanamu ara wundan fera kepa mali birin na.

Sariye moxepennde (20)

Adaxa adamadi birin be axa lan malanyi, xanamu malanyi xunde nde bope sa naxan kui.

Ndende mu karaxan ma sofera lanxunde nde yama.

Sariye moxepennun keren nde (21)

Adaxa adamadi birin piya xalu axa boxi raperefe kui, a findi i yetera xanamu mixi gbete naxan sugandixi.

Adaxa adamadi birin be axa mangasanyi wali soto a bari boxi ma ta girasa yo mu naxe.

Nama waxonfe lanma axa masen sugandi tinxinxi kui, naxan nabama temui-temui ma, birin lan sugandi naxan kui, kundo sugandi xanamu sugandi lankene maya xi matexetenyi mu naxan kui.

Sariye moxepen nun firin nde (22)

Wayibiya nara pamane mixi birin xun xa makanta, na findixi daxamuiife, daxoboreya nun lonni ratinme sabu nan na. Na fee birin fatanma boxi diexa duruxotoe nun xanunteya luti naxan na e nun boxi gbete safera boxi yayilanki fari nun a daxamuie.

Sariye moxepen nun saxan nde (23)

Wali, nun mixi waxon wali sugandi fe wayibiya xi birin be. Birin ma lan wali munafanyi kui, aman daxa a xun xa makanta wali sototareya ma.

Adaxa birin be fisamanteya mu naxan yama, a mu sundi soto axa wali bere ma.

Ndende walima, awayibiyaxi a be axa musundi soto naxan noma axa denbaya bun tide, a yigi nun binye sa ma, a man no a malide sabu gbete soto fera naxan ibunadama xafe makanta ma.

Adaxa adamadi birin be axa walikee xa lanxunde nde yayilan e xa munafanyi xun magaga fera.

Sariye moxepen nun naninde (24)

Malabui nun paxe-paxe daxa adamadi birin be a man daxa a be axa wali temui xa sugandi, malabui waxatie xa lu a be a naxee sare sotoma.

Sariye moxepen nun suli nde (25)

Adaxa adamadi birin be axa sabati soto alako axa santeya xa makanta. A tan nun axa denbaya xa yiriwe soto donse fe kima, sosefe, lingirafe, saribafe anun ibunadama xafe yayiba fe nax an fan a be. A xun xa makanta xa bara fura, xa lanyuri bara a soto, xa bara fori, xa muna walide, xa kape gine nora xanamu fere yo muna ayi naxan axa mantoroli bama.

Mali wayibiyaxi ne dingeya be nun dimediya be. Dimedi birin lan axa meni kepa keren, a fa soto futi kui xanamu a fari ma.

Sariye moxepen nun seni nde (26)

Adamadi daxa axa matinxin; na matinxinyi daxa axa sa birin sago naxan findi dimedi xunxurie nun a matexie xaran fera. Xarande banxi xunde singe sofe findixi teku non na. Yamakota xaranyi nun yirawali xaranyi lanma axa rayiriwa. Lonni banxinde xungbe wayibiya xi birin be, birin nun a xaxili bere.

Lonni lan axa senbe fi adamayama amakenen, a senbe fi ibunadama xa wayibiyae ma. Alan, axa faxamui, di pe, marafanyi rasoneya pamanee tagi, sie birin tagi, dine xundee tagi nun O.N.U. malanyi xa walie rasabati fe bope sa kui.

Adaxaxine di kanyie be e xa xuri sugandi e naxan fima e xadie ma.

Sariye moxepen nun solofere nde (27)

Adaxa adamadi birin be a so pama xa lonni yayibafe a yetera. Abelexe rawalie tone soto yamakota walie nun munafanyie naxe minima a kui.

Adaxa birin be axa xaxili rawali, a belexe rawali nun yamakota walie munafanyi xun magaga naxee yayilan fe fatanxi atan na.

Sariye moxepen nun solomasaxan nde (28)

Adaxa adamadi birin be axa a fondo rasiga yi sariyee ratinme fe xon pamane kui nun a farima.

Sariye moxepen nun solomanani nde (29)

Lanle rakamali daxi na ibunadama be axa pama kui, pama naxan findi axa adamaya a nun axa yeteralui sabura.

Sarieye dande saxine adamadi birin be axa maraba, a nun axa yeteralui rasabati kui, na nan anipema axa na maraba anun axa yeteralui mabanban sadoxofo mixi gbete ra alako taxasi nun yiriwe sabati ma pama kui kinaxe naxan a yete ra.

Na wayibiyae nun na yete ralui mu noma rabade muku O.N.U. waxonfe nun axa sariye saxie xanbi.

Sariye tongosaxan nde (30)

Sariye nun wayibiya yo muna yi masenyi xungbe kui naxan kiraya nde masenxi pamane be, malanyi xanamu mixi nde be naxan anipema axa kewali nde raba naxan sabui noma mayibiya e nun sariyee naxee masen xi nee xunnakanade.